

# AGENCIJA ZA TRGOVINU I RAZVOJ ZAJEDNICE

## Bespovratna sredstva za most ekonomskog oporavka

### Vodič za aplikante

*Svrha ovog dokumenta je da osigura smjernice izvršnom ogranku, zakonodavnom tijelu, partnerima agencije i odjeljenja, te aplikantima za bespovratna sredstva za dodjelu bespovratnih sredstava za most ekonomskog oporavka kako je utvrđeno Zakonom 9 i prema Zakonu za američki plan oporavka.*

17. aprila 2021. godine, H315 je donesen kao Zakon 9 (Zakon). Ovaj Zakon je dodijelio sredstva u iznosu od 10 miliona USD od Zakona za američki plan oporavka (ARPA) za Agenciju za trgovinu i razvoj zajednice (ACCD) da bi mogla izdavati bespovratna sredstva kvalificiranim biznisima i neprofitnim subjektima iz Vermonta koji su pretrpjeli porezni gubitak u 2020. godini i koji zahtijevaju neposrednu pomoć države. Zakonodavna namjena programa bespovratnih sredstava za most ekonomskog oporavka je da pruži prioritarno finansiranje biznisima koji nisu primili prethodnu državnu ili saveznu finansijsku pomoć. Do mjere do koje sredstva ostaju na raspolaganju, program je također namijenjen da osigura sredstva biznisima koji su pretrpjeli porezni gubitak čak i nakon primanja državne ili savezne pomoći.

### POSTUPAK APLICIRANJA

Aplikanti će unijeti tražene informacije u online portal za apliciranje koji je osigurala Agencija za trgovinu i razvoj zajednice i poslat će aplikaciju, zajedno s potrebnom dokumentacijom. Ocjenjivači Agencije za trgovinu i razvoj zajednice i drugi partneri će pregledati sve aplikacije na osnovu dolje opisanih kriterija prioriteta, unakrsno provjeravajući polja s podacima i potvrđujući potrebnu dokumentaciju kako bi odobrili, odbili ili vratili aplikaciju radi više informacija i/ili na ispravku.

### KRITERIJI PRIHVATLJIVOSTI

Prihvatljivi biznisi moraju zadovoljiti sve dolje navedene kriterije da bi pristupili bespovratnim sredstvima za most ekonomskog oporavka. Biznis:

1. Mora imati prebivalište ili primarno sjedište poslovanja mora biti u Vermontu; I
2. Biti organizovan i da posluje:
  - a. Na profitnoj osnovi, uključujući obrtništvo, partnerstvo, LLC, poslovnu korporaciju, zadrugu ili preduzeće s uzajamnom koristi; ILI
  - b. Na neprofitnoj ili niskoprofitnoj osnovi, uključujući korporacije s uzajamnom koristi, korporacije s javnom koristi, kao i niskoprofitna kompanija ograničene odgovornosti; I
3. Da je otvoren u vrijeme apliciranja; ILI
  - a. Da je zatvoren u vrijeme apliciranja zbog hitne situacije za javno zdravlje uslijed bolesti COVID-19 ali ima planove za ponovno otvaranje; I
4. Da je u skladu sa sadašnjim državnim zdravstvenim i sigurnosnim protokolom kojeg je utvrdio Vermont plan za ponovno otvaranje<sup>1</sup>; I
5. Da može pokazati da je biznis doživio neto gubitak u 2020. godini koji je veći od bilo kojeg neto gubitka prijavljenog u 2019. godini, preko podnesene savezne porezne prijave; I

---

<sup>1</sup> <https://www.vermont.gov/vermont-forward#gsc.tab=0>

6. Da ima dobru reputaciju kod Ministarstva rada (ako je primjenjivo, ocjenjivači treba da potvrde); I
7. Da ima dobru reputaciju kod Državnog sekretara (ako je primjenjivo, ocjenjivači treba da potvrde); I
8. Da ima dobru reputaciju kod Porezne uprave Vermonta (Vermont Department of Taxes); I
9. Da trenutno nije u Poglavlju 7, bankrot;

Od prihvatljivih biznisa će biti traženo da dostave sljedeće informacije u svojim aplikacijama za bespovratna sredstva:

- Federalni broj za identifikaciju poslodavca (FEIN) ili broj socijalnog osiguranja (samo obrtnici);
- Kôd Sjevernoameričkog sistema industrijske klasifikacije (NAICS) za kompanije koje apliciraju;
- Mjesečni P&Ls (dobit i gubitak) za period od marta 2020. do aprila 2021. godine koji se koriste kao osnova za računanje neto prihoda;
- Informacije o bilo kojoj kompenzaciji ili pomoći<sup>2</sup> koju je biznis koji aplicira primio ili za koju je aplicirao od:
  - zajmova saveznog programa za zaštitu plata (PPP) u 2020. ili 2021. godini i oprošteni iznos;
  - Zajma za ekonomsku štetu (EIDL) (grantovi);
  - bilo kojih drugih direktnih saveznih ili državnih bespovratnih sredstava za ekonomske štete koje su nastale kao rezultat bolesti COVID-19 u 2020. i 2021. godini;
- Državne i savezne porezne prijave za 2019. i 2020;
- Učitavanja faktura za jedan mjesec za sljedeće fiksne mjesečne troškove:
  - Komercijalna hipoteka ili najam;
  - Osiguranje poslovanja;
  - Električna energija;
  - Grijanje;
  - Voda;
  - Kanalizacijske usluge;
  - Telekomunikacijske usluge (telefonska usluga uključuje fiksni telefon i mobilni telefon te kablovska usluga vezana za poslovanje);
  - i
  - Usluga interneta.

Biznis koji je zatvoren u vrijeme apliciranja mora dostaviti sljedeće:

- Potvrda (*dostavljena u aplikaciji*) da će aplikant koristiti bespovratna sredstva za nastavak poslovnih operacija i ekonomski oporavak;
- Za biznise koji trenutno ne rade, kratak opis u pisanoj *formi* (*dostavljen u aplikaciji*) koji se tiče plana ponovnog otvaranja u dobroj vjeri.

---

<sup>2</sup> Iznos pomoći će biti korišten za računanje prilagođenog neto prihoda koji i dalje mora odražavati neto gubitak da bi bili kvalificirani za dodjelu.

## KRITERIJI PRIORITETA APLIKACIJE

Agencija za trgovinu i razvoj zajednice će koristiti dolje navedene standarde za određivanje prioriteta primljenih aplikacija za bespovratna sredstva:

U roku prvih 30 dana od kada su bespovratna sredstva prihvaćena prva dodjela prioriternog granta će se izdati aplikantima koji ispunjavaju sve dolje navedene kriterije:

- Biznisi koji nisu primili i nemaju aplikaciju na čekanju za <sup>3</sup>, bilo koja državna ili savezna pomoć u 2020. ili 2021. godini (*to uključuje, bez ograničenja na slj*):
  - Zajmovi i grantovi programa za zaštitu plata;
  - Zajam za katastrofu ekonomske povrede, predujmovi (grantovi);
  - Bilo koja druga direktna finansijska pomoć osigurana putem finansiranja za pomoć od korona virusa ili ARPA finansiranje uključujući:
    - Bespovratna sredstva za ekonomski oporavak u Vermontu;
    - Bespovratna sredstva za program stabilizacije obrtništva;
    - Bespovratna sredstva za pružaoce zdravstvene njege;
    - Bespovratna sredstva za revitalizaciju restorana;
    - Bespovratna sredstva za zatvorena mjesta;
    - Bespovratna sredstva za poljoprivredu u Vermontu;
- Biznisi koji su pretrpjeli neto gubitak u 2020. godini kao što je prikazano na saveznoj poreznoj prijavi.

Nakon inicijalnog roka od 30 dana za apliciranje za grant, Agencija za trgovinu i razvoj zajednice će nastaviti s davanjem prvih prioriternih grantova prema gornjim kriterijima. Međutim, nakon inicijalnog roka od 30 dana, Agencija za trgovinu i razvoj zajednice će koristiti dolje navedene prioritete drugog reda za dodjelu granta biznisima koji su pretrpjeli neto porezni gubitak u 2020. i koji još uvijek mogu dokazati neto gubitak nakon dodavanja iznosa neoporezive pomoći primljene u 2020. i 2021. godini. Ovo obuhvata:

- Neoporezivu državnu ili saveznu finansijsku pomoć (*uključuje, program zaštite plata oproštenih zajmova, grantove za ekonomske štete te bilo koju drugu neoporezivu direktnu finansijsku pomoć koja je osigurana finansiranjem pomoći za korona virus i ARPA*);

---

<sup>3</sup> Aplikanti koji su aplicirali, i koji imaju aplikacije na čekanju, za zatvorena mjesta i grantovi za revitalizaciju restorana neće biti prioriterni u prvih 30 dana.

## FORMULA ZA DODJELU GRANTA

Iznos granta će biti obračunat kao: Tri puta veći iznos od fiksnih mjesečnih troškova što dokazuju učitane fakture. Prihvatljivi fiksni mjesečni troškovi biznisa uključuju (*kako je utvrđeno prema učitanim fakturama*):

- Komercijalna hipoteka ili najam;
- Osiguranje, električna energija;
- Grijanje, voda;
- Kanalizacijske usluge;
- Telekomunikacijske usluge; i
- Usluga interneta.

Međutim, dodjela granta ne smije premašiti iznos manji od:

- Preostalog neto gubitka aplikanta nakon dodavanja neoporezive prethodne pomoći; ILI
- 150.000 USD<sup>4</sup>:

## POSTUPCI REVIZIJE I USKLAĐENOST

Sva bespovratna sredstva koja dodijeli Agencija za trgovinu i razvoj zajednice podložna su standardnim odredbama o reviziji kako je utvrđeno smjernicama koje su navedene u ovom dokumentu. Preporučuje se da se zadrže svi dokumenti i priznanice koje se dobiju u skladu s troškovima ovih bespovratnih sredstava te će i dalje podlijevati reviziji tokom perioda od 5 godina.

Svaki aplikant mora potvrditi, pod kaznenom odgovornošću, da su sve informacije dostavljene u svim aplikacionim obrascima i učitanim dokumentima istinite i tačne. Država Vermont će se pouzdati u tu potvrdu kao materijalno zastupanje pri dodjeli ovih bespovratnih sredstava. Nadalje, aplikanti moraju potvrditi da razumiju da je namjerno pogrešno predstavljanje informacija prevara i da to može podlijevati diskvalifikaciji aplikacije od primanja daljnjih pogodnosti, administrativnim kaznama i kaznenom gonjenju.

Pored toga, sve dodjele bespovratnih sredstava podliježu inspekciji od strane Agencije i državnog revizora računa za isti gore navedeni period od 5 godina (*ili period koji navodi državni revizor*).

## POSTUPCI POVRATA

Agencija za trgovinu i razvoj zajednice ovlaštena je zakonom za povrat dodjele; 1) ako se utvrdi da primalac nije prihvatljiv za dodjelu; 2) ako je preplaćen

---

<sup>4</sup> Agencija ima ovlasti da smanji iznos bilo kojeg granta u skladu s ovim smjernicama i na osnovu iznosa svake direktne pomoći vezane za COVID-19 koju je preduzeće možda primilo iz državnih ili saveznih izvora.

dodjelom; 3) ili ako se utvrdi da su dodijeljena sredstva korištena za druge aktivnosti koje nisu podržavanje poslovanja aplikantata.

#### VREMENSKI OKVIR ZA APLICIRANJE ZA GRANT

Agencija za trgovinu i razvoj zajednice će otvoriti rok za prve prioritetne aplikacije za bespovratna sredstva u roku od 45 dana od datuma ove obavijesti. Aplikacije drugog prioriteta će se razmatrati i pregledati nakon početnog roka od 30 dana za prioritetne aplikacije.